

آبونه شرائطی

ممالك عثمانیه ده سنه لکی (۶۵)، آلتی
آیلغی (۳۵) غروشدور .
ممالك اجنبیه ده سنه لکی (۱۷)، آلتی
آیلغی (۹) فرانقدر .

اداره خانه

باب عالی جاده سنده دائرة مخصوصه

اخطارات

آبونه بدلی پشیندر .

مسلكه موافق آثار مع الممنونیه قبول
اولنور . درج ایدله یین یازیلر اعاده
اولونماز .

المنونیه

۱۶ جمادی الاول ۱۳۳۳

دینی ، فلسفی ، علمی ، ادبی هفته لاق مجموعه اسلامیه در .

صاحب و مدیر مسئول

باش محرر

والله یهدی من یشاء الی صراط مستقیم

محمد عاکف

اشرف ادیب

اتبعون اهدکم سبیل الرشاد

ورعیه سندن مسئولدر . برکولهده افندیسنک مالنه راعی در ورعیه سندن مسئولدر . هیکز راعی و هیکز رعیه کزدن مسئولسکز . بویورمشلدر . ابومسلم خولانی معاویه بن ابی سفیانک حضورینه تیرمش ، و « السلام علیک ایها الاجیر ! » دیمش . حاضرین : « السلام علیک ایها الامیر ، دی ! » دیمشلر . ابومسلم ینه : « السلام علیک ایها الاجیر ! » دیمش . ینه اولیکی اخطاره معروض قالش . فقط بوسفر معاویه دیمش که :

— ابومسلمی براقیکز . او ، دیدیکنی پک ای بیلیر . .
بونک اوزرینه ابومسلم معاویه به :

— سن براجیرسک . سنی بوداوارلرک صاحبی آنلری اوتلاتمق ایچون کیرالامش . اکر سن اونک اویوزلرینی ، خسته لرینی تداوی ایدر وخسته لق سرایت ایتمه مک ایچون صاغلاملری برطرفه آییرسه ک سکا افندک اجرتکی ویرر . اکر بویله یامازسه ک سنی افندک جزالندیرر . . دیه جواب ویرمشدر .

خلق ، عباداللهدر . اولی الامر ایسه اللهک عبادالله اوزرنده نایبلریدر ، دیگر طرفندنده عباداللهک وکیل اموردیرلر ، یعنی هم ولایت ، هم ده وکالت ایله مأموردیرلر . صوکر اهرهانی بولی وکیل امور تجاریه سنی اداره ایچون برنائب تعیین ایتدیکی زمان اهلنی واصلحنی آرامازده مالنی دهه فضلہ سنه صائمق قابل ایکن دهه اوجوز الدن چیقاره جق دیگر بر آدمی تعیین ایدرسه ، خصوصیه اوالتماس ایتدیکی آدم ایله کندیسی آره سنده محبت ، یاخود قرابت بولنورسه طبیعی درکه شریکک مؤاخذه و بفضنه معروض قالیر ، انک حیاته ، اقربا و اوداسنه مداهنک یابدیغه حکم اولنور .

مرحوم ابن تیمیه

مدافعات

دشمنلر بویوندورقلری آلتنده کی مسلمانلری

ناصیل اداره ایدیورلر ؟

بالانجیلر ، ربانلر !

فرانسه حکومتک مرا کشده مقیم نائب سیاسی و فرانسه مدینتک (!) مدافعی جنرال لیونی (سوق الاربعاء) ده برجم غفیره قارش بر نطق ایراد ایتشدر . او یله بر نطق که باشند باشه یالان ، باشند باشه ریا ، باشند باشه مسلمانلری اغفال ایله طولو . بویوندورقلری آلتنده یاشایان ملتلی اداره ایچون کرک فرانسلرک ، کرک متفقلرینک بالانجیلقدن ، ریا کارلقدن باشقه برسر مایه لری اولمادیغنی دین قارداشلرمزک و بوتون

« عمر بن عبدالعزیزی اولوم دوشکنده ایکن کوردم . بعضیلری — یا امیر المؤمنین ! برسلطان اولدیغک حالده اولادکه ثروت نامنه برشی براقیورسک . زوالیلر ال الله ، باش باشده قالیورلر ! .. دیدیلر . بونک اوزرینه امیر المؤمنین چو جقلرینی یانه جاغیرتدی . اوندن فضلہ اولان و ایچلرندن هیچ بریسی بالغ بولونمایان چو جقلری کلدیلر . بونلری کورونجه کوزلری یاشاردی و دیدی که :

— اولادلرم ! الله یمین ایدرم که بن سزی نه حق کزدن محروم ایتدم ، نه ده عباداللهک مالنی الندن آلوب سزه براقق ذلتی ارتکاب ایتدم . . . سزله هر حالده یا صالح و یا غیر صالحسکز . برنجی تقدیرده صالحلرک ولیسی اولان الله سزی حمایه ایدر . صالح اولدیغک تقدیرده ایسه فسق و عصیان اوغورنده هدر ایده جککز بر ثروتی سزه براقه بی طبیعی ایسته م . هایدی کیدیکز ! . .

بالآخره کندی کوزمله کوردم : عمر بن عبدالعزیزک اولادنن بعضیلری مجاهدلره یوز آن احسان ایتدی .

خلیفه مسلمین عمر بن عبدالعزیز اقصای شرقده کی تورک دیارندن اقصای مغربده کی دیار اندلس ، قبریس ، سوریه و منتهای یمه قدر حاکم ایدی . بویله ایکن اولادینه براقدینی میراندن هر بریسنک حصه سنه دوشن یکریمی درهم قیمتندن فضلہ دکادی . « ینه عالم مشارالیه دیورکه :

« دیگر بر خلیفه نک اولادلری میراث تقسیم ایدیورلرکن اوراده بولوندم . هر بریسنه آلتی یوز بیک دینار اصابت ایتدی . بالآخره بونلرک ال آچهرق دیله ندیکنی کوردم . »

بویاده حکایات ، وقایع ، مشاهدات پک چوقدر و هر بریسنده ارباب عقوله پک بویوک عبرتلر واردر .

علیه الصلوة والسلام افندیمنک سنت سنه لری دلالت ایدیورکه : ولایت بر امانتدر ، یوقارده بیان ایتدیکنز ائله تودیی ایجاب ایدر . حضرت رسول اکرم افندیمن امارتک امانت اولدیغنی و حقیقه یرینه کتیریلدیکی تقدیرده صاحبک یوم قیامتده دوچار ندامت و خسران اوله جغنی ابی ذر رضی الله عنه تبلیغ بویورمشدر . مسلم حضرتلری بویله روایت ایدیور .

صحیح بخاریده ابی هریره دن روایت ایدیلیورکه : علیه الصلوة والسلام افندیمن « امانت یرینه کتیریلرزه قیامتی بکله یک ! » بویورمشلر . بونک اوزرینه : « امانتی یرینه کتیرمه مک نه در ؟ » دیه سورولمش . « مصالح مسلمین نا اهللره توجیه ایدیلیرزه قیامتی بکله یک ! » بویورمشلر . مسلمانلر بومعنائی بالاجماع قبول ایتشلدر .

ولی الامر برچوبان کی درکه ناس ایله مناسباتی برچوبانک سورو . سیله اولان مناسباتی کی در . علیه الصلوة والسلام افندیمن : « هیکز راعیسکز . هر راعی رعیه سندن مسئولدر . امام ، انسانلرک راعیسی در ورعیه سندن مسئولدر . نته کیم برقادین قوجه سنک اونده راعی در

عالم انسانيتك نظر نده تجلی ايديرمك ايچون بونطقك اك جانلي نقطه لرني
نقل ايله بو بابده برقاج سوز سويله يهرك حقيقت حالي بيلديرمه يني
اوزرمنه بروحيه عد ايتدك .

جنرال ليوتي ديوركه :

(۱) مغربده اكثر اهلينك محاربه ايله مشغول اولادق لرني ، كمال
حضور قلب ايله كندى ايشلريله كندى تجارتلرينه باقدق لرني كورد بكم ايچون
طوغروسي بك رياده ممنون اولدم . (۲) سز بوخصوصده حقيقت سكرز . زيرا
محاربه نك نتيجه سندن امين سكرز . چونكه صوكنده بزم ومتفكر سكرز . همه حال
غلبه چاله جغيزدن بوغلبه نك ده مغربك سعادت وحررتي تا مين ايدم جكندن
مطمئن سكرز . (۳) برچوق سنه لر دن برى آلمانلرك سياستده كي مهارت سركلرني
كورد بكمز . بونلر غفلتلى يوزندن خسرا نه دوشديلر . صانديلر كه صلح عالمي
اخلال ايتاك ايسته مين دولتله قارشى بلالريني بولفسزين هجوم ايدم جك قوتده درلر .
(۴) متفق اردولرمن آلمانيا ايله آوروپاده كي حسابني كورم جكدر . مغربه
كلنجه بو حساب كورولش بيمشدر . (۵) دون بورالده اوتنه كنه بريكه
تعرضده بولونان آلمانلر بوكون مملكتك خارجنه سورولدى . بونلر دن مغربده
اختلال چيتمه يارمق ايچون تحريكاته بولونلر ايسه اسير ايديله رك داربضايه
كونده ريلدي ؛ اوراده محاكمه لري اجرا قيله جقدر . قونلوسخانه لري قاپاد يلدی ،
ملكلى حجز آلتنه آلتدى . بوكون دكرلرك حاكمي آنجق بزلر . كرك
طامجه ده ، كرك داربضاده آلمان واورلر دن ، آلمان بانديره سندن اترقاللادي .
تجارتلري كلياً معطل اولدى . ناصيل كه آرتيق ، آوستريا شكرى ، آلمان اتمه سي
كورميور سكرز . آلمانيا حياه سنده بولونلر دن ده كيمسه قالمادي ، جمله سي حقنده
قانون عمومى تطبيقي اولندي . امين اولوك كرك بوندن بويله مغربده بوكي حقوق
حكم سورميه جكدر . معافيه وقتيله آلمان حياه سنده كيرمش اولان مغربيلر
ايچون قورقه جق برشي يوقدر . زيرا سكوتلريني محافظه ايتدك لري مدتيه شخصلري
مصون قاله جقدر . لكن مربوطيت قديمه لرني ياد ايتك ايسته يلره قارشى اصلا
مرحمت كوسترميه جكز . (۶) اوروپاده ايتكده اولديغز حرب بزي اصلا
ضمين دوشورمدي . زيرا بزلر برطرفدن زواف عسكرلر يزه ، مستعمراتده كي
عسكرلر يزه ، تيره بوليلره ، سنه غاليلره ، مغربيلره صرف اعلاي حريت مقصديله
كرد بكمز شو حربده حاضر بولنق شرفي بخش ايدركن ؛ ديكر طرف دن اونلرك
يرينه باشقه عسكرلر يزي اقامه ايدبورز . مقصدين يالكر المزده بولونان موقعلري
محافظه دكل ، بلكه ايلري يورويه رك ، خدمت دن كرى طورمق ايسته ين عاصيلري
اولكي كي تاديب ايتكدر . (۷) بزم عدالتدن ؛ اخلاق كزم ، عادات كزم ؛
دين كزم قارشى احترام ايدم جكزدن امين اولديغك زى يقيناً بيليورم . (۸) آلمانلر
مسلمان دوستي اولدق لرني ادعايه يلته نيورلر . حال بوكه نزهده حاكم اولسه لر بيلر
حقنده شدت كوسترمك دن باشقه برشي بيلمزلر ؛ نويه كيرسه لر معبدلره حرمت
ايتزلر ، بالعكس يقارلر . . . (۹) بندن ايشتيك كز بوسوزلري جيلده كي مسلمانلره
تبليغ ايديكز . مفسدرك سوزلرينه قولاق و يرمى نلر ؛ بزه قارشى قيامه جرات
ايتمينلر . صوكرا كوره جكلى شدت قارشوسنده نادم اولورلر . بالان ياكلش
خبرلره قولاق آصاملريني كنديلرينه خالصانه اخطار ايلرم . »

(۱) في الحقيقة نأيتك ممنون اولمايه حقى وار . زيرا بويله بر زمانده

خصوصيه بو كي احوال قارشيسنده آزيحق روح ، آزيحق حس
طاشيان ؛ هله مسلمانلق دعواسنده بولنوبده ولو ذره قدر اولسون
ذوق ايمانى طومش اولان ؛ و زمانيله بويوكارى طرفدن اضلال
ايديله رك فرانسزلركي انسانيتك اك جانوار دشمنلرينه صائيلمش
بولسان ملتلر ايچون لازم كلن نه ايدى ؟ اوت ، بوكي ماتلرك بوتون
افرادينه ، بويوكنه ، كوچوكنه ، قاديننه ، ار ككنه واجب اولان حركت :
كنديلرينك اوز دشمنى اولان فرانسزلره ؛ عالم اسلامك اك بويوك

دولتي اولان دولت عثمانيه و دولت عثمانيه نك متفكرلى اولوب عالم
اسلامى فرانسزلرك ، انكليزلرك ، موسقوفلرك الندن قورتارمق ايچون
خليفه ايله برلكده اوغراشيمقده بولان آلمانيا و آوستريا حكومتلري
آره سنده كي شو محاربه يه عائد نه قدر خبر وارسه هيسنى تدقيق ايتك
ايدى . واجب اولان حركت : وطنلريني قورتارمق ايچون نه كي وسائطه
مراجعت لازم كه جكني بوتدقيق نتيجه سنده آكلابوب ظهور ايدم جك
ايتك فرصتي هان اغثنام وال برلكيله قيام ايدم رك مملكتلريني دشمنك
بقيه قوتندن تميزله مك ، كنديلريني اسارت بويوندوروغندن قورتارمق ،
استقلاللريني محافظه ايتك ، وقتيله دوشمش اولدق لري طوزاغه بر دها
دوشمه مك ايدى . زيرا عيني دليكه كي عقربه ايكي دفعه كنديسنى
صوقدورمق البته عاقل كارى دكلدر .

هيچ شبيهه محل يوقدر كه نائب خطيب مرا كنده كي اخوان دينزي
بو حالده كورمش اولسه يدي شيمديكي كي ممنون اولماياجق ، بالعكس
سيكرلري بوزولهرق صوك درجه ده مايوس اوله جقدى .

(۲) خطيبك بوسوزلر دن مغربيلر فرانسه ايله متفكرلرينك حربدن
مظفر چيجه جق لرينه قانع ايشلر ؛ كنديسى ده بو قناعتده ايش مالى
چيقيور كه هيچ اصلي يوقدر . اولو مغربيلري بويله بر قناعتده فرض
ايتك ناصيل قابل اوله بيلر كه مملكتلريني قورتارمق ايچون فرانسزلره
قارشى برطرفدن آياقلا نوب طور بيورلر . ثانياً غلبه نك نهايت فرانسزلر
ايله متفكرلى طرفنده قاله جغه كنديسى ناصيل اينانه بيلير كه آلمانيا ،
آوستريا ، عثمانلى اردولرى هر كون فرانسزلره متفكرلرينه قارشى بويوك
بويوك مظفريتلر احراز ايدوب طور بيورلر . ايشته بلجيقا حكومتى
خريطة عالم دن سيلندي ، مملكتنى تماميله آلمانلرك اله كچدى . ايشته
فرانسزلرك (ليل) كي اك معمور ، اك زنكين مملكتلرينك قسم اعظمى
ينه آلمانلرك النده بولونيور . كرك بلجيقانك ، كرك فرانسه نك اك مهم
قايقه لري ، اك زنكين معدنلري بوكون آلمانلرك حسابنه ايشليور . بوكون
آلمان اردولرى تاشال دكرندن اسويچره حدودينه قدر امتداد ايدن چليكدن
برقلعه حالنده .

لهستان طرفنده روسلره اويله مدھش ضربلر ايند برديلر كه
شيمدى به قدر برميلونه ياقين يالكر اسير آلديلر . مقتولك ، مجروحك
مقدارينه كلنجه شهسز اسيرلرك برقاج مثيلدر .

بو حقيقتلرك كافه سي خطيبك بك اعلا معلومى ايكن حربك حالا
كندى غلبه لريله نهايتنه جكي قناعتده بولنسى ناصيل تصور اولنه بيلر ؟
آكلاشليور كه سويلديكي سوزلر قطعياً قناعتك خلايقدر . مقصدي ايسه
مسلمانلري آلداتمقدر كه يوقاريدده سويلديكمز وجهله بومسلك مستعمره .
لريني اداره خصوصنده قوللانق لري يكانه رأس مالدر .

« بوغلبه نك مغربك سعادت وحررتي تا مين ايدم جكي . . . سوزينه
كلنجه اك بويوك حيا سزلق ، انسانيته قارشى اك شنيع حقارتدر . زيرا
بو وجدانسز ملتك طوزاغنه دوشمك فلا كته معروض قالان او

کې رفاہ ایچنده ، آسودکی ایچنده . آلمانلر بومظفریتلری اولا اللهه ، ثانیاً دشمنلرینک قوتی کبی موهوم اولمایوب حقیقی اولان قوتلرینه استناداً قازاندیلر . اوحالده عقلتلری یوزندن خسرا نه دوشن ، صوکره آچقندن آچیغه خطا ایتدیکی آکلایان هانکی طرف اولق لازم کلیور؟ هیچ شبهه یوقدرکه بوخسران فرانسزلرله متفقلرینک ماصدق حالیدر . «صلح عالمی اخلاص ایتک ایسته مین ...» مغالطه سنه کلنجه ، یک آچیق برحقیتدرکه : برچوق احتراصات ، برچوق غیر مشروع آمال بسلیمکده اولان بوحریرص ، ملتلر بوتون دنیایی اختکارلری ، انحصارلری آلتنه آماق ایستدکلری ایچون کونک برنده باشقه برملت حرکت کایرده بونلردن معامله لرنده برآز انصافه رعایتکار اولمالرینی ایستر ، یاخود اولرله تشریک مصالح طلبنده بولنورسه درحال بوطلب عادلی حقسر کورورلر ، صلح عالمی اخلاصه تصدی صورتنده تلقی ایدرلر ، همان او ملته قارشى اعلان حربیه قالدیشیلر ، بو حرب ظالمله ، حقوق عبادی غضب ایتمکدن باشقه معناسی اولمایان ، مدافعه حریت عنوان مبعجانی ویرلر ! مع مافیه خطیب تمامیه بیلیرکه آرتیق بوکبی هذبائلرک ، بوکبی کله اویونجاقلرینک ذره قدر اهمیتلری قالمامشدر ، زمان قیلیجک حکم ایدمجهکی زماندر .

(۴) آلمانیا ایله اوروپاده حساب کوروله جکندن ، مغربکده حسانی کورولمش اولدیغندن بحث ایدیورسک . طوغرو سویلیورسین ای خطیب ! دیدیکک حسابک اوروپاده کی نتیجه سی فی الحقیقه کوروله یه باشلادی . ایسته آلمانلر ایله متفقلری هم سزدن ، هم متفقلری کزدن آله جقلرینی بربر راستیفا ایدیورلر . اک مستحکم قلعه لری کزی آلدیلر ، اک معمور ، اک زنکین مملکتلری کزه مستولی اولدیلر ، ملیونلر جه عسکر یکزی اولدیردیلر ، اسیر ایتدیلر ، مجروح دوشوردیلر ، مهمات حربیه کزی اغتنام ایلدیلر .

ای نائب خطیب ! خاطرک خوش اولسون ، لایقوله بیلکه بو حسابک نتیجه سی ان شاء الله غافل ظالمله یک آغیر اوطوره جقدر ، ان شاء الله حق منصور ، باطل مقهور اوله جقدر . مغربک تمام اولدیغنی سویلیدیکک حسانی ایسه آلدان دیغکز بعض رجال واسطه سیله استقلالی لندن آلمش اولما کزدن عبارتدر دکلی ؟ ان شاء الله بونک صوکی ده سزک ایچون اوله بر رؤیا اوله جقندرکه اویان دیغکز زمان ندامت کزدن ، یأس کزدن بارماقلری کزی چیکنه جه جکسکز . آفریقان جهنم اولوب چیقه جق ، آرقه کزده ایسه هم کندی کزه ، هم احفادی کزه لعنت ایدیه دن باشقه برشی براقایه جقسکز !

(۵) قوجه خطیب ! ملاحظه سزلق نتیجه سی اوله رق آلمانلره قارشى فیرلادیغنی بوسفلی سوزلریله فرانسزلرک ضعفی ، وحشتی ، صوکره حقوق دولیه یی ، حقوق انسانییه یی چیکنه مکده کی مهارتی کوسترمش اولبور . اوت ، فرانسزلر نفوذلری آلتنده بولنان مملکتلرده مقیم اولوب سلاحدن ، قوتدن محروم بولنان ، او مملکتلرده حرب ایتیه یی خاطر لرندن بیله کچیرمین ، اوزرلرنده هیچ بروطفیه سیاسی بولونمایان برطاقم تاجرلرک

زواللی لری ایچنده بر فرد یوقدرکه ، الله کوستر سین ، فرانسزلر بو محاربه دن غالب چیقه جق اولورلرسه مغربک حریتی ، راحتکی کله نک بوتون معناسیه سلب ایده جکلرینی یقیناً بیلمش اولماسین . معاذ الله بویه بر نتیجه نک حصولی آتنده فرانسزلر بوتون مملکته مستولی اوله جقلر ، اراضی یی یرلیرک لندن آلوب ارباب استعمار نامی ویردکاری ملتدا شلرینه بخش ایده جکلر ، زواللی اهلایی کوله مقامنه قویه جقلر ، طورافله برابر صاتیلان چفتلک حیواناتی کبی لندن اله دور ایده جکلر ، تجارتی کاملاً ید اختکارلرینه کچیره جکلر ، قوه مالیله لریله یرلی تاجرلری افلاسه محکوم ایدرک صنایع محلیه دن هنوز پایدار اولانلری ده کندی مصنوعاتلریله بوسوتون بیتیره جکلر ، وظائف حکومتی کندی ملتلرینک انحصاری آلتنه آله رق یرلیری اونلرک معیتده اوشاق کبی قوللانه . جقلر ، اخلاقی افساد ، حریت ، مدنیت نامنه دینسزلکی ، فحش ، فجوری تعمیم ایله جکلر ، فنون ، معارف تشر ایدیورز دییه کتاب اللهی ، علوم دینییه یی اورته دن قالدیره جقلر ، باطل ، مزور برطاقم دعوالرله ، بریغین سیاسی خدعه لرله زاویه لری یوق ایده جکلر ، افکاری آله بیلدیکنه تضییق ایله امتک ترقیسنه ، تعالی حیانه عائد مردورلو حرکتدن آلیقویه جقلر ، آغزلره کم اوره رق هیچ برظانک ظلمندن ، هیچ بر مستبدک استبدادندن ، عباد اللهک باشنه مسلط ایده . جکلری هیچ بر مرتکبت ارتکابندن شکایت میدان براقایه جقلر .

اوت ، بو حقیقتلرک کافه سنی مخاطبلری یقیناً بیلدیکی کبی خطیبک کندیسی ده یک اعلا بیلر . ذاتاً کرک کندیسی ، کرک آرقداشلری تونسه ، جزایرده ، حتی شوقیسه مدت تسلطلری ظرفنده بالذات مغربده تطبیق ایتدیلر . اوحالده خطیبک مقصدی مخاطبلرینی استخفاف ایتمکدن ، اولنری برطاقم مخلوقات سافله درکسند کوردیکی آکلا . تمقندن باشقه نه اوله بیلیر ؟ زیرا البته آکلارک بوسوز اونلرک قولاقلرنده بیلدیریم کبی باطلایه جق وهربری معنای مقصودک بوسوتون عکسنه اولق لازم کله جکنی اکلایه جقدر . یارب ، سن منتقم جبارسین ، ظالمی امهال ایدرسین ، لکن امهال ایتزسین .

(۳) ظن ایدرسم آلمانلرک سیاستده کی مهارتسزلکلرندن مقصدی مغربی استیلا خصوصنده فرانسزلره معارض چیقما سیدر . « دولتره قارشى هجوم ایده جک قدرته اولدقلرینی توهم ایتدیلر . . . » سوزینه کلنجه نه قدر احقجه برسوزدر ! زیرا بالفعل اکلا شیلدی که آلمانلر جناب حقک عنایتیه خطیبک قصد ایتدیکی دولترک هپسنه بردن هجومه قادردر . ناصیل که هجوم ایتدی ، ناصیل که هپسنی بردن پریشان ایتدی . ایسته بوکون اوردوسی اونلرک طور اقلرنده بولونیور ، مملکتلرینی کندی حسابنه ایشلدوب طور بیور ، مظفر عسکرینک ما کولاتی ، مشروبائی دشمنلرینک صیرتندن چیقیور . دشمنلرینک شیمدی یه قدر ایکی میلوندن فضلّه مقتول ، مجروح ، اسیر ویردکلری کندی شهادتلریله ثابت . حالبوکه آلمانیا ممالکی هیچ حرب یوقش ، زمان صلحه ایمش

نصیبی یوقدر. ثالثاً اولومدن قورتیلوب تحت تحکیم کرده قالدی حق اولانلره قارشى مظالمکیز بوسبوتون آرتی جقدر. زیرا الله کوسترمسین بو محاربه دن غالب چیقسه کز طغیانکیز آله بیلدیکنه شدتله جک، اسلامک کلیاً محوینه یوروپیه جکسکیز، مغلوب چیقدیغکیز تقدیرده ایسه عجزیکیزی اورتک، موهوم قوتکیزی کوسترمک ایچون بو کون مغربلیره یایدیغکیز کی ینه شده مراجعت ایده جکسکیز. او حالده مسلمانلری حربیه سوق ایتمکده کی شرف نه اوله بیلیر ؟

سزجه «اعلاى حریت ...» ک معناسی بوتون انسانیتک مالنه، جانسه قصد ایتک، حریت شخصیه یی قالدیرمق، اخلاق بوزمق، عباداللهی حیوانات اهلیه کی قوللانمق، حیاتی کندیکزه حصر ایتک، باشقه لرینه حق حیات نامنه برشی ویرمه مک کی شیمدی یه قدر بوتون دنیایه قارشى ارتکاب ایتدیککیز تاریخاً ثابت اولان شناعتلریکزه تمامله سربست قالمکیز ایچون هم سزک، هم متفقلریکیزک ایدی تجار و زیکیزی کله مک بوتون معناسیله مطلق براقق دیمکدر. اوت سز بو حالی بشریته قارشى ارتکابندن صیقیلما دیغکیز یالایرده دائماً حریت شکنده کوسترمک ایسترسکیز. نیته کیم بو محاربه یی اونک ایچون آچدی کیز. لکن بشریت بونک وحشتدن باشقه برشی اولما دیغی پک کوزل آ کلا مشدر. حتی مخاطبلرکده ایشی بویله جه بیلدکری ایچون سوزلری کال نفرته دیکلورلر. هذیانلریکی سکوت ایله کیشیدیرملری ایسه ضعف لردن ایلری کلور.

«عاصیلری تأدیپ ...» ککنجه بونک معناسی مغربلیرک اوزریکزه هجوم لردن پک کوزل آ کلاشیلور! اوراده متوالی انهمزاته اوغرا. مقدمه اولدیغکیز بورالره عکس ایدیور. جناب حق اخوانمزی تأیید ایده جکدر.

(۷) صوکر اعدالندن، دینه قارشى احترام لردن بحث ایدیور. بوسوزک نه دیمک اولدیغی مغربله محدود اولان جزایره طوغرو آتیه جق ایلمک نظر تمامیه کوستریر. عجبا فرانسزلر اوراده کتاب اللهی براقدیلمی؟ حال بوکه برزمانلر اونی قادی، ارکک بوتون افراد ملت ازیر ایدرلردی. عجبا علوم دینه دن اثر براقدیلمی؟ حال بوکه برزمانلر شهرلری، کویلری فقهک کعبه سی مقامنده ایدی. عجبا لسان قرآن اولان لسان عرب ایله ادبیات عربیه دن، احکام شرعیه دن برشی براقدیلمی؟ هیهات! شرع شریفی نسخ ایده رک برینه بریغین قوانین ظالمه اقامه ایتدیلر؛ بوتون معاملات مسلمینده شریعتی هیچ نظر التفاته آماز اولدیلر؛ میراث، نکاح مسئله لرینه وارنجیه تدر بورونلری صوقق، کندی بیلدکری کی قانون وضع ایتک ایستدیلر. اوت! اخلاق محافظه ایدیورلر. لکن نه صورتله؟ امتک بوتون طبقاتی آرمسند فحشی، فسق وفجوری تعمیم ایتک؛ اولادلری تأدیه قالدیشان بابلرک «حریت شخصیه مصوندر!» دییه اللری باغلامق صورتیه. فی الحقیقه دینی محافظه ایدیورلر. فقط ناصیل؛ اطفال مسلمینی

اوزرینه صالدردیلر؛ ماللری اللرندن آلدیلر؛ کندیلری حبسه آتدیلر؛ جانلری کی محکمه لره سوزوکلدیلر؛ ایچلرندن مهم ثروت صاحبی اولان ممتاز بر قسمی اعدام ایتدیلر؛ بقیه سنی ده اسیر حرب عدایده رک خدمات شافه ده قوللانمایه باشلادیلر؛ صوکره آلمانیا حایه سنده کی اهالی یه روا کورمدک ظلمی، شناعتی براقادیلر؛ ده صوکره زیر تحکیم لرنده کی زواللی مغربلیره چالیم صائمق، اوراده کی آلمانلره غالب کلدکری آ کلا تمق ایچون آلمان قونسولوسخانه لری قاپتدیلر؛ آلمان تجارتنی بیتدیلر؛ آلمانلری درلو درلو اشکنجه لر آتندله اولدور دیلر؛ بر قسمی ده اسیر حرب صفیه آغیر خدمت لره استخدام ایتدیلر ...

ای خطیب! شواحقچه سوزلرکله وحشتی تصویر ایتکده اولدیغک ملتک، کاشکی بویله یایه جفته، او یچاره لر حقده حقوق بشره رعایت ایده ییدی ده ماللری، جانلری بی طرف حکومت لردن برینک سفیرینه تودیع ایلیه ییدی؛ یاخود هیچ اولما زسه سلامت لری تأمین ایتک شرطیه مملکت خارجه چیقاریده یی. کاشکی او زواللیره هجوم ایتک صورتیه انسانیتک یوزنی قارارته جفته، بو اوغورده قوللان دینی قوتی میدان محاربه یه صافلا ییده ده کرک کندیسنتک، کرک متفق لریک آلمان الله دوشن یوزبیکلرجه حقیقی اسیرلری، یوزلرجه مملکت لری قورتارمایه چالیشه ییدی! لکن واسفا که عجز ایله وجدانسزلق برلشنجه انسان یو درک یه ایندیرر!

(۶) خطیبک «حرب بزی ضعیف دوشورمدی ...» طرزنده کی ادعاسی صرف افترا در. ناصیل طوغرو اوله بیلیرک عسکرلریک یاریسی یا اسیر، یامقتول دوشمک صورتیه محو اولدی؛ هله مستعمر اذن چکرک کندی فرانسز جوجو قلری آلمان بیلدیرملردن وقایه ایچون حربک اک ایلری صف لرینه سپر مقامنه دیکدکری زواللی مسلمانلرک یوزده اونی بیله قلمادی؟ ناصیل طوغرو اوله بیلیرک اک زنکین مملکت لری بوتون فابریقه لرله، معدن لرله برابر آلمانلرک الله کجیدی؟ ناصیل طوغرو اوله بیلیرک بوکون قوه ماله لری صوک درجه ده بریشان، آجلق اولانجه شدتیه حکمران؟ پک اعلا بونلر ضعف دکل ده ندر؟ بوندن فضله عجبا هانکی ضعیفی ایستیهور؟ خیر! حریف قومک آجینه جق برحاله کلدیکنی کوزیه کوردیکی ایچون مغربلیری بو موهوم قوتله نه دیده چالیشیور. لکن مغربلیر حقیقی پک یقین برزمانده آ کلا یه جقلر؛ ان شاء الله مملکت لری بونلرک لوٹ وجودندن تمامیه تمیزله جکلردر.

«عسکرلریمزه حربده بولونمق شرفی بخش ایتک...» دیورسک. ای خطیب! بیلمش اولمالیسین که جبراً میدان محاربه یه سوق ایلش اولدیغکیز بوتون مسلمانلری حقیقت حالده شرفه دکل، خسران ایدی یه سوزوکله مش اولدیکیز؛ زیرا برکره او یچاره لری آلداتوب کندی یومور جاقلریکیزی اولومدن وقایه ایچون اوک صف لره دیکورسکیز. نایاً سزک صف لریکزه اولن هر مسلمان صف ظلمده، صف الحادده اولدیک ایچون شقاوت ابدیه محکومدر، دارینده خسرانندن باشقه

ياقينه اولمده چيقه جقدر . زيرا يالانك ابي قيصه در . بكون سرك
ومتفقليكنك يدي يوز اللى بيك عسكر كز ساده آلانلرك النده اسير .
آوستريالرك و دولت عثمانيه نك النده كى اسيرلر بوحسابدن خارج . ايكي
يوز اللى مليون هكتار اراضيكنز ، هم الكزنكن اراضيكنز آلانلرك النده
معدنلرني ، فاريقهلرني ، اهاليسني كندى حسابلرني ايشلدوب
طورويورلر . كوروپورسين كه دها حربك باشلانغيچنده ايكن ، دها
جهاد في سبيل الله اعلان ايدليكي خبري جهان اسلامك هر طرفه
باييلماش ايكن بوقدر موفقيتلر استحصال ايديلدي .

اي خطيب ، يايمش اولديفك ايشك خلاصه سي نه در بيلورميسين ؟
رجال سياستدن اولديفك حالد بويريشان سوزلركه ملتلك وحشتي ،
ضعفي تمثيل ايتكده مغربده كي حكومت عسكريه كزه امتثال ايتمش اولدك!
أوت اوده طبق سنك كبي يايمش ، اوده حكومتكنك ضعفي ، وحشتي
اولانجه عربانلغيه كوسترمك ايچون هر دورلو اسباب مدافعه دن محروم
يچاره مغربلرك كوزلرني اويهرق قفالرني كسرك طاشلرك اوزرينه
قويدورمش ، بونكلده اكتفا ايتمهرك فوطوغرافيلرني آلدوروب
اهالي آره سنده نشر ايتش ايدى . قاي عجز ايچنده ، قورقو ايچنده
چارينوب طوران وجدانلرلرك مراجعت ايدمه بيله جكلري تدبيرلر هب
بويله شناغلر در . بورسملردن بردانه سني ده بن كندى كوزمله كوردوم ،
دهشتلر ايچنده قاله رق ديدم كه : « خلق عبال الله در ، مخلوقه قارشى
الله قدر غيرتلي كيمسه اوله ماز . اويله ايسه ظالملر نه مدھش برعاقبه
اوغرايه جتلرني آكلايه جقلر در . قيامت البته باغيلرك باشنه قوبه جقدر . »

صالح الشريف التونسي

شؤون

اتلاف مثله قارشى جهاد اسلام

تبليغات رسميه :

قره دكز :

١٠ مارت : بوسباح قره دكز بوغازى ترصد پوسته لرمن طرفندن كوريلن
برقاج روس سفينه حربيه سي قره غول كيلرمنه بك اوزاق مسافه دن تاثيرسز
برقاج مرى انداخت ايتش وبعده سرعتله چكيلمشدر .
١٨ مارت : روس فيلوسى دون قره دكز ساحلنده اركلنى قوزلوزونفولداق
مواقعه قارشى ايكي بيكدن زياده مرى انداخت ايتديكي حالد اهميتلى برخسارات
ايقاعنه موفق اوله ميه رق شمال استقامتنده چكيلمشدر . يالكز برقاج خانه
تخریب اولش و برقاج ده معونه بامشدر . بومباردمان ائساننده اوچوردقلى
طياره لر آتشلرمنله طرد ايدلشدر ،

مناره قلعه :

١٤ مارت : دون كيجه دشمنك طوريدو وطورپيل سناتنى چناق قلعه
بوغازينه كيرمه چالشمشدر ايسه ده باطاريه لرمنك آتشي ايله بوسكور نورلشدر .
١٦ مارت : دون برده كيز طياره من چناق قلعه بوغازى خارجى طولاشان
برانكلز حرب كيسي اوزرينه بومبار آتھر ق تعرض ايتشدر .

صورت مخصوصه ده آچدقلى مكاتيله جبراً سق ايتك ، صوكره
معصوم ذهنلرينه بوتون اديانك خرافاتدن عبارت اولديغنى ، بخصوص
دين اسلامك اك بويوك خرافه لرله مالى بولنديغنى تلقين ايتك اصوليله .
طوغروسى شعائر دينى محافظه ايدنيورلر . آنجق هانكي طرزده ؟ افراد
ملتى چوق زمانلر حججدين منع ايله مك وحجازه كيده جكلرك اوكنه نامتناهى
موانع ديككمك قاعده سيله . الحاصل بو وحشى ملتك يادقلىرني تعداده قايقيشه جق
اولسه ق حقتدن كله ميز . اونك ايچون ايتي هر كسك بوبابده كي معلومانه
براقه جفز .

(٨) آلانلر مسلمانلرك دوستى اولدقلىرني سويليور . حالبوكه
آلمانلرك مسلمانلره دوست اولدقلىر عین حقيقتدر . ايشته بكون جهاد في
سبيل الله اقامه ايچون آلانلر بزمه الاله ، اوموز اوموز وبرديلر ، هم اونلرك
هم بزم دشمنمز اولوب عالم بشري ، خصوصيله جهان اسلامي محوه
اوغراشان فرانسزلره ، انكليزلره ، موسقوفلره قارشى بزمه برابر
حرب ايدوب طورويورلر . صوكره ، آلانلر شيميدى به قدر بلاد
اسلاميه نك هيچ برينه مسلط اولماديلر . ايشته مش اولسه يديلر مغربي
استيلا ايدرديلر . لكن ايتمه ديلر ، آنجق مغربك رجال حكومتى فرانسز
طوزاغنه دوشهرك هم كنديلرني ، هم وطنلرني تهلكيه آتھجق
وضعتده كوردكلري ايچون ارشادنده بولونديلر . نهايت فرانسزلره
حسابه كيريشهرك قوتقوي آلديلركه بومحاربه اوحسابى هر طرفه تصفيه
ايدم جكدر . آلانلرك حكومت خلافت اولان حكومت عثمانيه ايله الاله
ويرمش ، بوتون عالم اسلامك رايث محمديه آلتنده صاحب استقلال
اولماسى ايچون اوغراشمقده اولدقلىر ميدانده ايكن مسلمانلر حقتده كي
دوستلقلرينه ، سياستلرنده كي اخلاصلرينه باشقه دليل آرامق لازم
كليرمى ؟

« آلانلر ، مسلمانلرك معبدلرني بيقرورلر مش ! » اكر خطيب مقتدر
ايسه بوخصوصه بردانه مثال كوسترسين ده هانكي معبدك آلانلر طرفندن
ييقيلمش اولديغنى اكلاييم . ايشته تانكه مستعمره سي كوزيمزك اوكنده
طورويوركه اهالي سي آلانلري صميم قلدلرندن سويليورلر . حتى انكليزلرك
اوراده بك آجى برصورتده يدكلري صوك طاياقده مسلمانلر آلانلره
برابر ايديلركه حربه اشتراكلىر هيچ برخبر نقيجه سي اولمايوب صرف
كندى آرزولرى سائقه سيله ايدى . شووقه ايكي امت آره سنده كي
وفاقى تماميله كوسترر .

(٩) اي خطيب ! دليك بويله اوافق تفك بامالره قايانه جق شيلردن
دكل ! آرتيق سرك عليكهزه ، ظلمكنزك ، احتراصاتكنزك علمينه اولق
اوزره آياقلانان فتنه بوتون مغربي استيلا ايتدى . مملكتمك آرتيق
وحشتكنزدن خلاص اولق زمانى كلدى . باشكزه قيامتلر قوبدى .
بونك اوكنه كچمك امكانى يوقدر . شوپريشان سوزلرك ايله ، جريده -
لركنزك يازدقلىر بو حقيقته شهادت ايدوب طورويور . بوتون يالانلر كنز ،
بوتون حيله كارلر كنز ميدانه چيقدى . هنوز چيقمايانلرى وارسه